



BIBLIOTHECA
UNIVERSITATIS
CRACOVENSIS

585353-
- 585354

last komp.

422 St. 1


Middelburg





585353-


585354

Mag. St. Dr.









BREVIS
DISSERTATIO,
DE
VISIONIBUS


Quæ Capitibus XIII. & XVII.
Apocalypseos
describuntur.

Auctore

ROBERTO JANSONIO
Campensi.

Psal. 2. 7. 10. 11. 12.

Et vos Reges intelligite: Erudimini
qui judicatis terram, &c.



CLAUDIOPOLI.
Anno Christi

1625.

585 354T

Mag. St. Dr.

Lectori benevolo Salutem.

Sententiam de iis, quæ Capitibus decimo tertio & decimo septimo Apocalypseos, sub certis quibusdam imaginibus & verborum involucris, proponuntur, afferimus, haud novam quidem illam, sed tamen innovatam. Nam quæ ab aliis atq; in primis à D. Luthero, Davide Chytræo, rectè de iisdem dicta nobis videbantur, in nostram hanc transtulimus dissertationunculam; quæ à diversis sparsim dicta, collegimus; falsa recidere studuimus; quædam de nostro, quæ partim sacrarum literarum, partim historiæ lectio, partim denique experientia ipsa nobis subministravit, adjecimus. Nec *occ.* Prophetas nos esse, nec Prophetarum filios, profitemur, illis, quæ diximus, adminiculis, in eruendo mysteriorum istorum sensu, uti sumus. In privatum olim usum hæc fuerat commentatus, quæ postea paucis quibusdam amicis, nunc omnibus legenda dare visum est. Si quid veritati haud consentaneum putâris, per nos repudies licet. Quam libertatem in aliorum sententiis castigandis usurpavimus, eandem aliis in nostra examinanda libenter concedimus. Adhibeatur modò æquitas in iudicando, qua nos uti studuimus. Dies

diem docet, maximè in prophetiis enu-
cleandis, quibus eventus magnam affert lu-
cem. Quare, quemadmodum arbitramur, nos,
per Dei gratiam, quædam in hoc argumento
vidisse, quæ priores latuerant: ita nequaquam
mirabimur, alios, qui nos sequentur, eosque
{ plures ac doctiores, plura videre & meliora in
lucem asserre. Immo omnes, ad quorum
manus scriptum hoc nostrum perveniet, ro-
gatos volumus, ut, si qua in re lapsos nos arbi-
trabuntur, erroris admoneant, ac meliora do-
ceant; nec nos tantum, verum etiam alios,
qui harum rerum cognitione delectantur.
Delectari autem par est omnes pios, qui has
prophetias, ab ipso divino spiritu, nobis sum-
mopere commendatas esse expenderint. Fa-
xit Deus, ut hic etiam labor meus, licet exi-
guus, aliquod Ecclesiæ afferat emolumentum,
& in divini nominis cedat honorem. Cui nos
nostraq; omnia consecravimus. Vale.

CAPITIS XIII. ET XVII.
APOCAL. BREVIS
ILLUSTRATIO.

Dicturi de visionibus, quæ decimo tertio & decimo septimo Apocalypseos capitibus describuntur, istud prius monendum putavimus, non omnia nos divini spiritus verba, quæ dictis duobus Capitibus habentur, explicaturos, sed ea tantum, quæ vel majoris esse momenti, vel illustratione magis indigere, vel etiam lucem aliquam à nobis accipere posse videbuntur.

Quod ergo ad visiones decimo tertio capite comprehensas attinet, eæ nobis exhibent primum duas bestias, tum unius ex illis, nempe prioris, imaginem, svasu secunda bestia confectam. de quibus, quid portenderint, dicere constituimus; separatim etiam nonnihil acturi de mensibus illis quadraginta duobus, & numero nominis bestia, quorum in hoc Capite fit mentio, cum videamus in ejus rei explanatione non parum a doctis laborari.

De prima bestia ita loquitur D. Johannes:
v. 1. Et vidi ex mari bestiam ascendentem, habentem capita septem, & cornua decem, & in cornibus ipsius decem diademata &c. quæ verba ex parte repetuntur infrà capite 17. v. 3 Atq; hæc nobis imprimis sumimus declaranda ex iis, quæ in hujus bestia descriptione à Johanne dicuntur.

Cap. 13.

cuntur. Cetera eatenus, quatenus instituti nostræ
postulabit ratio hinc inde libabimus.

Isud autem hic tanquam certum ponimus,
quod, tum virorum in sacris literis exercitato-
rum, communi suffragio comprobatur, tum exem-

Vide Dan. ^{ptus e libris Prophetarū petitis haud}
cap. 7. 17. 23 ^{difficiliter potest ostendi, per Bestias}
cap. 3. 20. ^{imperia. praesertim magna lateq, pa-}
^{tentia, quæ Monarchias vulgo ap-}

pellamus, intekigi solere. Per Bestiam ergo pri-
mam. quæ in verbis Johannis, paullo ante addu-
ctus describitur, Romanum cum plerisque intello
Imperium seu Monarchiam: quæ ideo bestia se-
ptem habenti capita, comparatur, partim quod
Urbs Romana. Imperij hujus sedes ac caput, quæ
capite 17. v. ultimo dicitur Civitas illa magna,
habens regnum super Reges terræ, in septem
fuerit sita montibus; partim vero, idq, potissimum,
quod in ea Republica no una ut in priorib, Monar-
chiis seu maximis Imperiis cōtigit regiminis ac gu-
bernationis fuerit forma, praesertim quod ad supre-
mā potestate attinet. sed varia, & quidem numero
septem. Hujus vero nostræ de septem capitibus sen-
tentia, auctorem habemus ipsam Johannem, vel
potius Angelum infra capite 17. v. 9. 10, ea his ver-
bis explicantem: Septem, inquit, capita, mon-
tes sunt septem. ubi mulier sedet super ipsis,
& Reges septem sunt, &c. Et de montibus qui-
dem

dem nil opus est plura dicere : per Reges autem suprema Respublica capita , regiam potestatem habentia.intelligi , tum viri doctissimi tradiderunt, tum quisque facile potest animadvertere. Nec quicquam refert , quod Regum nomen non omnia usurparunt. Res enim ipsa potius, quæ hic regia potestas est, quàm nomen est spectandum.

Quamquam & illud animadvertendum est, quod, ut infra patebit, ij, qui primum hujus Imperij Caput constituunt, Reges proprie dicti fuerint. Unde divinus spiritus eleganter, quamquam, ut in Prophetiis sermonibus accidit, paullo obscurius , ceteris quoque capitibus, quæ in primi illius locum successerunt , & potestatem supremam, ab eo ad sese devolutam acceperunt , Regum nomen potuit tribuere. Idem fecit oraculum Delphicum, cujus auctoritatem hic à nobis commemorari, nemini absurdum videri debet, cū hoc loco de usu tantum vocis alicujus agatur, ac præterea viris doctis non sit ignotum, oracula gentium, enigmaticum verorum seu divinorum oraculorum sermonem, qui tegendis aliquo modo divinis decretis, donec exitus ea aperiat, adhibetur, fuisse amulata, ut sibi quoque divinitatis opinionem conciliarent. Oraculū enim Delphicum L. Junio Bruto, qui primus post Reges, è civitate Romana pulsos, consul fuit, regnum portendit. Nam cum is, unà cum duobus Tarquinij filiis, Delphos esset pro-

Livius lib.

1. Decadis

fectus,

primæ.
Valer. Ma-
ximus.

fectus, consulentibus illis, quinam ex
ipsis Roma post patrem regnaturus
videretur, oraculum respondit, eum
regnaturum, qui primus matri cecidisset osculum.
quod cum Brutus intellexisset, veluti casu prolapsus,
terram, communem omnium matrem, osculatus est,
Tarquinij filius frustra de matre sua, ubi domum re-
diissent, osculanda cogitantibus. Neuter enim patri
in regno successit, sed Brutus, qui summam in ea
Republica potestatem à Regibus ad se transtulit,
atque adeo regnum quodammodo est adeptus, licet
Rex appellari proprie non posset, cum solus Rempu-
blicam non teneret, nec Regis nomen vel ipse ambi-
ret, (ejus enim è civitate tollendi primus auctor
extiterat) vel ab aliis adipisceretur, qui odio ipso-
rum regum, etiam nomen odisse caperant. Ex quo
apparet, eos etiam Reges nominari improprie posse,
qui supremam potestatem à Regibus ad se devolu-
tam habeant.

Istud etiam hic neminem turbare debet, quòd,
ut nostra fert explicatio, per Reges istos septem, non
septem singulares, seu individuos reges accipere co-
gamur, sed septemplex Regum sive Capitum, in
summo Imperio sibi succedentium, seriem atq; ordi-
nem. Videmus enim apud Danielem quòq; capite
7. v. 17. quatuor Reges sumi, pro quatuor diversis
ordinibus regum sibi continua serie succedentium,
vel, si mavis, pro ipsis quatuor Monarchiis. Sic apud
eundem

eundem capite 8. v. 21. per hircum pilosum dicitur significari Rex Gracia; & tamen statim additur, per grande illius hirci cornu, intelligi primum regem: per quatuor verò post modum enata, quatuor regna pro illo exorta. Rectè ergò unus Rex, per unum caput bestia designatus, potest significare ordinem unum magistratuum supremorum, in eadem Republica, eademq; regiminis forma, sibi continua serie succedentium.

Quod verò septem Capita, atque adeò etiam septem Reges nominantur, non ita est accipiendum, ac si septenario numero pluralitas tantum indefinitè significaretur, ut alibi non semel in sacris litteris, Hebraica consuetudine, accidit: sed statuendum est, septenarium numerum propriè ac definitè hìc intelligi. Numerantur enim Reges isti distinctè, ita ut septenarius numerus compleatur, capite 17. v. 10. ubi post verba paullo ante adducta statim additur: quinque (reges) ceciderunt, & unus est, alius nondum venit. Nam etsi Johannes versu sequenti Octavum regem commemoraret, nihilominus tamen asserit eum ex istis septem esse? quod qua ratione possit consistere, inferius intelligetur. Nunc enim nobis enumeranda sunt septem illa Imperij Romani capita, ac diversæ regiminis supremæq; potestatis formæ.

Primum ergò caput sunt, Reges. qui ab initio Rempublicam Romanam tenuerunt.

Secundum, Consules.

Tertium, Decemviri consulares.

Quartum, Tribuni militum consulari potestate.

Quintum, Triumviri, qui post mortem C. Julij Caesaris Imperium Romanum inter se, ut possessionem quandam suam, dividerant. nempe M. Antonius, M. Lepidus, Octavius Augustus.

Sextum, Caesares seu Imperatores Romani, initio facti ab Augusto, post Lepidum atque Antonium publicatum. Vel, si mavis, à C. Julio Cesare, qui Principatus istius initium quoddam fecit, licet inter eum & ceteros Imperatores, Triumviratus intercesserit.

Septimum, Pontifices Romani Christiani.

Octavum Regem constituunt, Caesares Germani, qui aliquo modo in locum & nomen Imperatorum istorum, quos sextum caput esse diximus, successerunt; potentia tamen iis multum dissimiles. qua de causa partim octavi regis nomen obtinent, partim ydem cum sexto censentur, & ex illis septē Regibus esse dicuntur. Et Reges quidem illi, qui primum Romani Imperij caput constituunt, rerum summa praeferre per annos 244. ut auctor est Livius. His consules successerunt, quorum imperium extenditur per annos 462. inclusis hoc numero iis quoque annis, quibus Consulum series atque imperium, mutata Reipublica forma, per Decemviros,

&

Et Tribunos militum consulari potestate fuit interruptum. Decemviri biennio. & paullo amplius, Imperio praeferre. Tribuni militum consulari potestate Rempublicam per annos 43. tenuerunt. Triumviri, post necem Iulij Caesaris, annos circiter 12. Et de his quinq; capitibus seu Regibus ait Iohannes, in verbis supra citatis: quinq; (reges) ceciderunt. Eo enim tempore, quo haec sunt Iohannis divinitus revelata, & ab eo litteris consignata, ista Imperij Romani formae cessarant. Et si enim tum quoque Consules quotannis crearentur, tamen pro capitibus Imperij seu Regibus censeretur amplius non poterant: cum penes illos nec summa, nec totius Imperij potestas esset. Potestas enim eorum valde fuerat immutata, Principum seu Imperatorum potentia, quorum nutu omnia in Republica gerebantur. Qua de causa Iohannes de sexto Rege, quos Imperatores illos antiquos esse diximus, ait: Unus est, id est, nunc rerum potitur. Imperatores enim isti, ut jam indicavimus, totum revera Orbis & Orbis Imperium ad se pertractum tum tenebant. Quod ad Pontifices Romanos Christianos attinet, illi quoque Romani Imperij caput sunt, non quidem simpliciter, quia Episcopi Romani, sed quia habent sive gubernacula Monarchiae Romanae, ut bis nimirum & Orbis Christiani, ad se pertraxerunt, atque in hoc Imperio à superiori potestate non dependent, nec ullius supra se Imperium in terris agnoscunt.

Et

Et de hoc septimo ita loquitur Iohannes: alter
nondum venit, & cum venerit oportet eum
breve tempus manere. Quæ verba quomodo sint
accipienda, ex dictis intelligi potest. Eatenus enim
breve tempus manere oportet

Bonifacius Octa-
vus, anno Domi-
ni 1300 instituit
primum Jubilæ-
um, & in eo pa-
lâm coram po-
pulo ostentavit
Pontificiam, &
Imperatoriam
potestatem, dum
altera die Ponti-
ficis habitu appa-
ruit, altera palu-
datus, & Impera-
torio ornatu re-
dimitus, se spe-
ctandum exhibu-
it. Prætulere illi
duos gladios. Cla-
mavit & ipse: Ec-
ce duo gladii hîc.

Pontifices, quatenus Imperij
Romani caput sunt, & politi-
am istam dominatu suo com-
plectuntur, non verò quâ Epi-
scopi Romani. hoc enim poste-
riori modo considerati satius diu
duraverunt. Licet enim il-
lud quoq; tempus, quo plenum
Urbs Romana Imperium ad se
pertraxit Pontifex, non videat-
ur esse exiguum: tamen respec-
tive, ut loquuntur, breve dici
potest. Nam si comparetur cum
eo tempore, quo Imperatores
Urbs imperium tenuere, exi-
guum diu potest. Non prorsus
dissimili ratione dicitur capite
precedente 12. v. 12. Satanam

scire se breve habere tempus, non simpliciter, sed
respectu habito ad desiderium ipsius, atque odium
humani generis, cui ex saturando, quicquid illi tem-
poris ibi concessum dicitur, breve est. Est enim tem-
pus illud, de quo ibi dicitur, dierum, hoc est, secundum
sermo-

sermonem Propheticum, annorum 1260. ut infra patebit. Confer inter se capitū 17. v. 17. & cap. 13. v. 2. 4. 5. 7. itemq; capitū 11. v. 7. 8. & 9. Ideò verò Spiritus sanctus asseruisse videtur, breve futurum tempus istud, quo Antichristus esset regnaturus, ut pios, qui sub durissimo ac crudelissimo ipsius imperio victuri essent, breuitate temporis tam luctuosi, consolaretur, & afflictionum, quibus tunc essent subijcendi, atrocitatem aliquantū minueret. Quo ferè pacto Apostolus afflictiones suas, sibiq; similitum, non tantū breues, sed momentaneas etiam vocat, licet ea, si tempus vitæ eorū respicias, haud fuerint breues, sed comparatæ cum æterna gloria prorsus momentaneæ. nec desunt sanè viri docti, qui eodem planè modo tempus hoc septimi regis breve dictum putant, quo afflictiones istæ momentaneæ, hoc est, respectu futurae quietis ac felicitatis.

Quod ad octauum Regem attinet, quo nomine diximus Casareatum in Germania significari, de eo sic loquitur Angelus versu 11. & bestia quæ erat, & non est, & ipse octauus est, & ex illis septem est. &c. versu autem 8. de eadem re loquens, vocat eum bestiam quæ erat, & non est, quamquam est. Quia septem tantū capita illius bestie ostensa fuerant Johanni, ideo non ait Angelus, caput bestie aliquod esse Regem octauum, sed bestiam esse illum Regem. quamquam & illa potest addi ratio, quod Johannes per Regem illum, non tantū

tantum Imperij caput. sed etiam ipsum Imperium;
seu Reipublica corpus voluerit significare; propterea
quod id tum prorsus fuerit mutatum. Hoc autem
pacto si Regis nomen sumatur, non tantum caput
aliquod bestia illi respondet, sed totum bestia cor-
pus cum uno ex septem capitibus consideratum, eo
nempe cujus duplex videtur esse forma, seu maior
status ac conditio. Nam quia octavus hic rex ex illis
septem esse dicitur, necesse est eum uno ex illis se-
ptem capitibus qua septem reges adumbrant, desi-
gnari: sed quia nihilominus octavus rex dicitur, &
sic a septem prioribus distinguitur, necesse est capi-
tis illius, quo significatur, duplicem esse formam ac
rationem seu maioris statum ac conditionem; ita ut
jure duos reges, partim similes, partim dissimiles,
possit representare. Istud verò nullum aliud,
quantum ex descriptione Johannis licet intelli-
gere, esse potest, quam illud de quo scribitur capite 13.
v.3. Et vidi unum capitum istius (bestia) ut cæ-
sum ad mortem, & plaga mortis ejus sanata
est. quod postea repetitur de ipsa bestia versu 14.
& ex parte versu 12. ex quo, ut obiter id notemus,
confirmatur aliqua ratione id, quod paullo antè
diximus, per bestiam, qua octavum Regem designet,
posse intelligi bestiam, cum uno ex illis septem capi-
tibus consideratam: siquidem Johannes de una ea-
demq; re loquens, nunc unam bestia caput, nunc
ipsam bestiam nominat.

Jam,

Fam, ut ad institutum redeamus, hujus capitis duplex conditio ac ratio indicatur, ita ut ipsum quoque duplex esse videatur. Aliud enim fuit, antequam ad mortem usque casum esset; aliud, postquam sanatum est, vel, ut versu 14. loquitur divinus spiritus, revixit. Priori ergo modo consideratum hoc caput, videtur Casareatum illum Romanum antiquum denotare, qui ferro, maximisq; in Italia bellis tantum non interciderat; posteriori verò modo, Casareatum in Germania restauratum, qui propter similitudinem nominis atque insigniũ, successionemq; in partem quandam honorum ac potentia, idem cum illo videri potest: sed si inaequalitatem potentia, si item locorum, ubi Imperij sedes est, diversitatem respicias, longè ab eo differt, & ut postea audiemus, illius tantum imago est. Dum verò ait Angelus, bestiam illam fuisse, & non esse, & tamen esse; ea loquendi ratione utitur, quæ in sermonibus Prophetis admodum est usitata. Ita enim verba sua concipit, ac si res, de qua verba facit, re ipsa tunc existeret, idq; tantò concinnius, quòd res ipsa, sub imagine quadam, veluti præsens oculis Johannis subjiceretur. Sensus autem istorum verborum est: Casareatum, sive Imperatores Romanos, unà cum ipso Imperio antea quidem revera fuisse, sed nunc translatis ad Germanos ejus reliquis, revera non existere. Quĩ enim Romani Imperatores revera ac proprie dici merentur,

tur, qui nec Roma sedem fixerunt, nec tantam in eam Urbem potestatem, quantam antiqui Imperatores unquam habuerunt, immò, à satis longo jam tempore, planè nullam habent, ac praterea maximam Imperij ad eam urbem spectantis partem amiserunt. Quicquid enim nunc ditione sua tenet Turca, quicquid Hispanus, (Indias excipimus) quicquid Anglus, Gallus, Pontifex, Italia Principes, Veneti, Helvetij &c. id totū Romana ditioni, atque Imperatorum veterū potestati suberat. Nihilominus tamen ait, bestiam istam, seu Romanum Imperium, Casareatumq; esse, quia imago quadam illius, in veteris locum substituta, extet. Extat enim adhuc Romanorum Imperatorum, Imperijq; ipsius, nomen atque insignia, extant reliquæ veteris potentia & auctoritatis, quam inter Principes Christianos Caesar obtinet.

Antequam autem ab istorum capitum explanatione ad alia transeamus, tria nobis sunt agenda. Primum causa nobis est explicanda, cur nec Dictatores, qui tamen summam ac planè regiam in Republica Romana potestatem habuisse videntur, inter capita bestie, seu Reges illis designatos, numeraverimus; neque item Pontifices Romanorū ethnicos, nec Prætores, aliósve magistratus Romanæ Urbis, quos nonnulli Capitibus ac Regibus, a Johanne commemoratis, inserunt.

Quod ergo ad Dictatores attinet, eos ideo Regibus

bus istis non annumeramus, quod is in istra-
tus fuerit et in extraordinarius, & certi tan-
tū in negotij causa constitutus, quo confecto, or-
dinaria potestas, veluti deliquium aliquod per-
sa, vim suam plenè re-

cipiebat. Constitueba-
tur enim Dictator ad
aliquod Reipublica pe-
riculum, fortè fortunā
enatum, propulsandū,
aut ad aliquod gravi-
us negotiū expedien-
dum, quo confecto im-
perium cogeatur de-
ponere is, qui suscepe-
rat, remanente inte-
rim consulatu, cui non
abrogando, sed potius
ad tempus sublevan-
do, inventa esset Di-
ctatura; non enim
in ceteris, quae in-
stituimus, Reipublicae
mana capitibus daretur.
Ea enim ordi-
naria erant, cui
us te autem
negotij ad suscipi-

Livius Primæ Deca-
dis libro 4. haud ita
procul a fine.

In rebus trepidis ulti-
mum consilium erat
Dictatorem dicere..

Idein Livius primæ
Decadis libro quinto
Dictaturam extraor-
dinarium imperium,
aut auxilium vocat.
Verba ejus sunt: Cum
tanta moles mali in-
staret, aded occideret
animos fortuna, ubi
vim suam in se
refringi non
posset, quæ
denatam ac
hostem, alios
mos populos ultima
experiens auxilia, Di-
ctatorem multis tem-
pestatibus dixisset: ea
tunc inusitato atq; in-
audito hoste, ab Ocea-
no terrarumq; ultimis
oris bellum ciente, ni-
eban-

Illex aorditissim edant et singulitua
ne aut a alia quac
tis, ceteri
cum summo imperio

regabantur Tenet, es vero etiam, ideo non
re cilem uirum a Capita, quia politum
Imitiam & propterea karpulica potestas pe
novales non sunt. Ceteri magistrum quales
etiam Praetores, Tribuni plebis, (quos quidem
Tribunos magistrum quidem nominem non
nulli dicuntur) & quidam alij, quia nec ipsi
supremam seu regiam potestatem habere ti
dem inter reges autari non merebantur.

Secundo loco nobis examinanda est sen
tentia Gulingeri Francisci Junij, & cetero
rum, de septembris bestia capitibus. Uic enim
viri, sequuti Victorianum quondam, scriptorem
Pomponium, per capita ista intelligunt ceteros
Imperatores, singulares Imperatores, nempe
Augustum, Tiberium, Caligulam, Claudium,
Nervam, Domitianum, Nervam & Trajanum.
quos prioribus aliarum annorum dixit
se quinque ceciderunt, de quibus uno vero,
Uirum est, de Nervam, ter, & du, & venit,
& cum venit oportet, & reuolapne
in inere, non diu enim, & rar. Trognum
vero octavum gem facit, & a no, & iur:
Bestia autem, quae erat, & nonne, & quid
octavus est, & ex illis septem, & quae
verba

verb. ita ad Trajanum accommodant: Bestia erat, sicut penes homines Romanos & non est, id est, non est amplius penes hominem Romanum sed penes alienigenam. Ipsi enim Trajanus natione Hispanus fuit. & tamen est v. s. scilicet Imperium Romanum, quia Roma sedem habet. ex illis septem est, nempe quatenus collega fuit septimi in Imperio, hoc est Nerva. Cum verò Johannes ait. se vidisse unum ex illis bestiae Capitibus lethaliter vulneratum, & vulnus illud lethale fuisse sanatum: per caput istud Neronem intelligunt, quo occiso, Imperium, seu Casareatus, parum absuit quin concideret. Verum hic mirari licet, qui in hanc sententiam viri tam eruditi potuerunt venire. Qua enim ratione, per caput hoc lethaliter vulneratum. Neronem possum intelligere, cum eum inter capita, seu Reges suos, profus non recensuerint, nec, si sibi constare velint, recensere possint. Atque hoc sane apertum atque evidens est falsitatis istius sententiae argumentum.

Sed praeterea istud vehementer sententiae illi obstat, quod bestia isti septicipiti, quae fuit, & non est, & tamen est, insidere dicitur meretrix illa, per quam omnes Antichristum intelligunt. At quomodo Antichristus insedit Imperio Romano, sub illis octo Imperatoribus

constituto. & nominatim Trajano, quem isti
volunt designari in verbis: bestia quæ erar, &
non est. Insuere enim Antichristus bestia di-
citur, partim quod eam pro arbitrio regat, par-
tim quod ab ea vicissim sustentetur & fulcia-
tur, ita ut sine ea consistere nequeat, & ed ca-
dente ipse quoque sit casurus. quod de Imperio Ro-
mano, sub ethnicis illis Imperatoribus consti-
tuto, atque nominatim de Trajano, nullo pacto
dici potest. Adde, quod nulla sit causa, cur Spi-
ritus sanctus istos tantum, septem aut octo Impe-
ratores designaret, & non etiam alios, qui vel
ante, vel post eos extiterunt. nulla etiam causa
est, cur Spiritus sanctus, qui in hoc libro breviter,
ac generaliter tantum, conditionē ecclesiæ Chri-
sti, a tempore Iohannis usque ad diem ultimum,
delineare instituit, atque inter cetera indicare,
sub quibus Imperiis ea esset victura, quas perse-
cutiones perpassura, quas item penas Deus de
illius hostibus esset sumpturus; cur, inquam, ad i-
sta particularia minutaque descendere, eaque
tantā diligentia persequeretur. Atque hæc
de sententia ista dici sufficiunt.

Tertio loco istud conspiciendum est, quod
quidam per octavum Regem Antichristum in-
telligunt. Quæ sententia si ita accipitur, quasi
Spiritus sanctus ad Antichristum respexerit, cū
Octavi regis fecit mentionem, falsa est, ei-
que repugnat

repugnat istud, quòd octavius ille rex dicatur esse bestia quæ erat. & non est. Atqui bestia hac manifestè distinguitur ab Antichristo. Is enim designatur per meretricem bestia illi insidentem, ut omnes fatentur, quam Angelus a bestia ipsa apertè distingvit. Quare bestia non ipse Antichristus est primò ac principaliter, sed Imperium quod Antichristum sustentat ac fulcit, atque ab eo vicissim regitur. Ne de illo nunc quicquam dicamus, quòd de Antichristo non videantur intelligi posse ista, quòd fuerit, & non sit, & tamen sit. itemq; quòd ex illis septem regibus sit, ut ex superius a nobis dictis satis unicuique constare potest. Alias quomodo Antichristus cum hac bestia, adeòq; cum octavo rege idem sit, inferius, cum de decem regibus, per cornua designatis, acturi sumus, dicetur.

Ordo nunc postulare videretur, ut de cornibus jam commemoratis, quæ in capitibus illis conspecta fuere, aliquid diceremus: verùm quia ea non satis intelligi possunt, priusquam imago primæ bestiæ, svasu secundæ confecta, explicetur, ideo ad ejus enarrationem nos jam accingimus, initio facto a secunda bestia, de qua ita Johannes: Deinde vidi aliam bestiam ascendentem e terra, quæ habebat cornua duo similia agni: sed loquebatur ut draco: &

potestatem prioris bestię omnem exercēbat in conspectu ejus. Per hanc bestiam Pontificem Romanum sub Christiano nomine, ejusq; imperium ex civili ac spiritali mixtum, intelligi, partim ex his Johannis verbis, partim ex his quę subjungit, non obscurē colligi potest. Nam dum ait: bestiam hanc habere duo cornua similia agni, scilicet cornibus, indicat eum, qui per hanc bestiam designatur, vindicturum sibi potentiam (potentiam enim ac rolar per cornua intelligi notum est) similem potentię atq; imperio Agni, hoc est Christi, quod in Pontif. em Romanum egregiē quadrat, qui se Christi in terris vicarium esse affirmat, atque hoc nomine imperium in omnes, etiam Imperatores ac Reges, sibi usurpat. quod verò ait, eam loqui ut draco; indicat eum doctrinam draconis illius, qui est diabolus, ut alibi in hoc libro explicatur professurum, & inculcaturum dogmata ab eo sibi inspirata. quò etiam referenda sunt illa, quę de miraculis, ad falsa illa dogmata stabilienda, ab eadem bestia editis, infra dicuntur ver. u 13. Quod verò ait: bestiam hanc potestatem prioris bestię omnem exercere in conspectu ejus, indicat, Pontificem Imperio Romano potiturum, & omnia pro arbitrio gubernaturum, ita ut potestatem, quę antea penes Imperatores Romanos fuerat, ad se pertractam,

tractam, quamquam religionis prae-textu ac titulo, exerceat.

Ex dictis autem ratio intelligi potest, cur Pontifex, qui, ut nostra fert explicatio, antea per septimum prioris bestiae caput fuerat adumbratus, nunc denuo per bestiam peculiarem, atq; a priori distinctam, delineetur. Causa enim hujus rei est, quod genus hoc imperij ac gubernationis, qua Monarchiam Romanam esset administraturus Pontifex, longè diversum esset futurum ab aliorum Capitum seu Regum imperio & administratione. Gubernat enim, ut diximus, omnia Pontifex titulo religionis ac vicariatus Christi, & imperium ejus spirituale seu ecclesiasticum imprimis audit. Hac ergo proprietas ac peculiaris imperij Pontificij ratio, peculiari etiam bestia fuit exprimenda: praesertim cum aliàs etiam plurimùm interesset ecclesiae, ejus potestatem ac conditionem clariùs depingi, aut crebriùs in hoc libro, qui Ecclesiae sub Antichristo degentis utilitati potissimùm est consecratus, inculcari. Eadem ratione, ut mox videbimus, Caesareatus in Germania constitutus, licèt ex illis septem regibus esse dicatur, atque adeò uno ex istis capitibus adumbretur, tamen per imaginem bestiae peculiariter exprimitur. nempe quia cum forma regiminis, ipsum

quoque Imperij corpus admodum fuit mutatum,
ita ut planè diversum esse videatur.

Sed nunc tempus est, ut consideremus imaginem illam bestię prioris, svasu secunda cōfectam, qua de re ita loquitur D. Johannes, cap. 13. v. 14, 15. bestia secunda effecta enumerans: dicens (bestia) habitantibus supra terram, ut faciant imaginem bestię, quę habet plagam gladii, & revixit. Et datum est illi dare spiritum imagini bestię, ut & loqueretur imago bestię, & faceret, ut, quicumque non adorarent imaginem bestię, occiderentur. Per ima-

Imago prioris bestię, Bestia quę erat, & non est, & tamen est, item Rex octavus, pro eodem, Cæsareatu scilicet Germanico. in hac D. Johannis Prophetia accipiuntur.

ginem hanc prioris bestię, ut non semel indicavimus, Cæsareatum seu Imperium Romanum in Germania, per Pontificem erectum & stabilitum, intelligimus.

Causa suprà est exposita. nempe, quia Imperium hoc Romano-Germanicum, imago tantū modo aliqua est veteris illius Romani Imperii, quale D. Johannis tempore fuit, amplissimi ac potentissimi: imago tamen non mortua, sed quę vitam ac spiritum quendam habeat, idq; ope Romani Pontificis, qui non modò Imperij hujus constituendi auctor fuit, sed & postmodum

modum Cæsares Germanos confirmare, & auctoritatem Imperatorum Romanorum illis largiri consuevit. Nam potestas illa atque auctoritas Imperatorum, quæ sanè non est contemnenda, ac vires quæ in imperij hujus corpore sunt: ordinum præterea membrorumque ejus conjunctio, per quæ potestas illa hinc inde exercetur, & Electorum constitutio, per quos Imperium istud continuaretur, imaginis hujus veluti vita est ac spiritus. Erectus autem est hic Cæsareatus, hortatu Pontificis Romani, tum, cum Imperium istud antiquum bellis esset ita attritum, ut parum abesset quin prorsus everteretur, & sic unius bestia caput, nempe sextum, quod Imperatores Romanos veteres designat. lethale vulnus accepisset, quod, constituto hoc in Germania Imperio, sanatum est. qua de causa Johannes hoc loco, cum describit rationem, qua imago bestia fuerit erecta, nihil aliud ex descriptione illius bestia superius posita repetit, quam quod habeat plagam gladij, & revixerit. innuere volens, hoc solum ad rem, de qua agitur, hoc est ad erectionem illius imaginis pertinere. Fuit enim lethale hoc bestia vulnus gladio inflictum, causa erectionis ac constitutionis imaginis illius, sanatio verò illius effectum. Id qua ratione factum fuerit, operæ pretium est ex historiis repetere.

Post Constantini Magni tempora, per aliquot annorum centurias Imperij Romani ditio-
nes variis bellis gravissimè vexabantur atque
atterebantur, nonnulla etiam ab eo paulatim
fese subducebant & ab ejus corpore avelleban-
tur, adeò ut parùm abesset, quin Imperium
prorsus caderet, atq; in primis tum, cum id a
Gallis, ad quos Romanus Pontifex Casaream
dignitatem detulerat, ad Italos, veluti postli-
minio rediret. Atq; hi primùm ex posterita-
te regum Longobardorum Imperatores sibi cre-
arunt: tandem verò de Imperiali diademate
ita depugnârunt, ut bona pars Italia gravissi-
mè affligeretur ac vastaretur: ac nisi a Princi-
pibus Italia, ac præcipuè a clero papaliq; curia,
Ottho, Magus postea dictus, e Germania, ad
componendos & sedandos Italia motus, evoca-
tus fuisset, corruisset prorsus Imperium, & u-
nâ Ecclesia Romana. Constat id ex verbis,
quibus usunt usi, qui Otthonem in Italiam ad-

Vide Hartmannum
Schedel in ipsius Chro-
nicis Norimbergæ in
regali charta seu folio
impressis, anno Christi
1493. a fol. 179. &c, ubi
de rebus gestis Otto-
nis primi scribit, &
maximè anno Christi
954.

vocarunt: Veni, in-
quiunt, juva nos, nisi
enim nos juveris,
ruet ecclesia & im-
perium. Atque hæc
fuit plaga illa gladij,
seu vulnus lethale be-
stia inflictum, cujus
sana-

sanatio ab Otthone primo in Italiam accersito incepit. Inde enim Imperium collapsum restaurari, & Imago ejus in Germania erigi capit. Nam Ottho hic, primus ex Germanis habenas Imperij suscepit, & filio Otthoni tradidit, ab hoc Ottho tertius secundi filius, primi nepos, qui Mirabilia mundi est appellatus, accepit, & in Germania plane fixit, atque ad eam nationem adstrinxit, Gregorio quinto Pontifice, qui & ipse Germanus, ac praterea Otthonis consanguineus erat, atque ab eo ad Pontificiam dignitatem evectus, & tandem etiam fuerat restitutus, negotium promovente. Nam cum Gregorius hic de solio Pontificio fuisset detrusus, a Crescentio patricio ac Principe Romano, qui Imperium ad se conabatur pertrahere, & ejus habenas sub titulo Consulis moderari, Ottho tertius cum exercitu Romam profectus, Gregorium pristina dignitate restituit, deletis iis, qui ipsum e solio dejecerant, & in exilium expulerant. Itaque Gregorius tum recenti beneficio, tum nationis ac sanguinis vinculo Otthoni junctus, ne in posterum tot tantaque de Imperio orirentur seditiones, Otthoni firmare Imperium, & in Germanica natione figere constituit, eumq; in finem Concilium indixit Roma, unde Romanum appellari solet, quamquam alij in Italia finibus id celebratum
arbi-

arbitrentur, convocatis Italia Principibus atq;
 Optimatibus, Episcopis item & universo clero. ac
 populo urbis Romana. Quo in Concilio Grego-
 rius Pontifex, unà cum Otthone, svasit iis qui
 convenerant, ut abrenunciarent juri suo
 (verba sunt cujusdam historici rem hanc gestā
 narrantis) quod prætendebant se habere,
 ad electionem Imperatoris, & illud in ma-
 nus Pontificis & Imperatoris traderent;,
 atque in posterum penes solos Germanos electio
 illa esset. Ea res cum pronis auribus acciperet-
 ur ab iis, qui ab Otthonis ac Pontificis stabant
 partibus, ceteri quoque, licet inviti, assensere,
 veriti Otthonis, qui cum copiis aderat, potenti-
 am. Ex quibus apparet, quomodo bestia se-
 cunda, per quam Pontifex Romanus adumbra-
 tur, hortata fuerit habitatores terra, ad Ima-
 ginem prioris bestia conficiendam. Atque hanc
 Gregorij sanctionem de Imperatoris electione
 solis Germanis permittenda, præter alios, Nau-
 clerus his verbis describit: Ajunt Gregorium
 quintum, cognita Imperij imbecillitate,
 varietateq; fortunæ, quò diutius apud Ger-
 manos summa potestas remaneret, illeq;
 cæteris præesset, qui virtute & dignitate,
 cæteris præstaret, retulisse sanctionem de
 Imperatore deligendo, videlicet solis lice-
 re Germanis principem deligere, qui Cæsar
 &

& Romanorum Rex appellatus, tum demum Augustus & Imperator haberetur, cum a Romano Pontifice benedictione, præmissa coronaretur: & quod ordinaverit cum procerum Germaniæ consensu electores prædictos, qui vice omnium eligere deberent. De eodem Gregorio scribit Christophorus Varssевичus in Turcica 14. eum, cum interrogaretur, quare hanc sanctiorem, tulisset, respondisse: Caro & sanguis mihi revelavit. Etenim (subijcit scriptor) multa multis, sed haud scio an sanguis dominetur universis. Atque ab his Otthonibus Cesareatus apud Germanos constanter perstitit, adeo ut sexcentos amplius annos in ea natione durarit, nec ad ullam aliam gentem fuerit translatus. Ottho enim tertius obiit anno Christi 1002. cum cepisset imperare anno 994. vel, ut alii volunt, & y rectius, nostro quidem iudicio, sentiunt, Anno 984.

His ita explicatis, redeundum nobis est ad Caput decimum septimum, de quo antea non nihil diximus. Nam quæ ibi narrantur, tum lucem afferunt iis, quæ capite decimo tertio habentur, tum ab iis vicissim accipiunt. Solet enim divinus spiritus, non semel in hoc libro, rem eandem diversis in locis, atque adeo sub diversis imaginibus exprimere, ut ea inter se collata, se-

se mutuo, & rem ipsam in involutam, reddant illustriorem, & varias ipsius proprietates, quae una imagine commodè exprimi non poterant, sua varietate tantò meliùs depingant. Id quomodo in his duobus, quae tractamus capitibus fiat, nunc est considerandum. Bestiam illam septicipitem, ac decem cornibus armatam, utrobique haberi, nemo est qui non videat. Verùm illud haud scio an a paucissimis fuerit observatum, bestiam hanc cum sua imagine, de qua haecenus egimus, capite decimo septimo conjungi, atque aded confundi, ita ut, quae imagini competunt, ea ad ipsam bestiam transferantur, propter similitudinem atque affinitatem, ob quam etiam in hoc eodem capite ait Angelus, octavum hunc regem esse unum ex illis septem, a quibus tamen ipso numero atque ordine satis apertè distinguitur. Nam ob id ipsum, quia Imago est bestia, externa forma ac specie eam representat: & quia spiritu quoque ac vita est praeclara, non secus, atque ipsa bestia, ac denique in illius locum fuit substituta, quid mirum est, si cum ipsa bestia confundatur, & illius nomen quoque usurpet? quemadmodum in ipsa etiam re, his figuris designata, contingit. Nam Germanorum Princeps, Imperator Romanus ac Caesar appellatur, ejusque Imperium Romanum vocatur, non secus atque illud vetus. Ita verò rem sese habere, ut diximus, liquet ex

verbis que supra explicavimus: bestia quæ erat, & non est, & tamen est. prior enim horum verborum pars de ipsa bestia, posterior de ejus imagine loquitur, seu major de bestia in imagine sua, seu sub octavo rege constituta. Sensus enim ut supra diximus est: bestiam ipsam, seu Romanum Imperium, olim quidem extitisse, sed nunc revera non amplius superesse: nihilominus tamen in sua imagine, seu Casareatu Romano-Germanico, extare. Hoc posteriori potissimum modo intelligendum est etiam illud, quod meretrix seu An-

richristus, quem per secundam bestiam capite decimo tertio adumbrari docuimus, bestie huic dicitur insidere. licet enim ejus

Meretrix, secunda bestia, septimum caput, falsus Propheta, pro eodem, Antichristo scilicet, in hac divi Johannis prophetia, accipiuntur.

rei fundamenta quadam jacta fuerint, atque adeo initia quadam extiterint, ante Casareatum in Germania constitutum, veteri Imperio in ruinam paullatim inclinante: tamen potissimum tum id completum est, cum Imago hac Imperij Romani in Germania fuit excitata. Nam ex quo tempore potestas confirmandi Romanos Imperatores a Germanis electos, penes Pontificem fuit, quod factum est imagine illa Casareatus in Germania erecta, tum demum
verè

verè capit Antichristus bestia huic insidere, &
 ejus potentia, ad stabiliendam suam tyrannide
 adversariosq; opprimendos, abuti, decreta sua
 per omnes Imperij partes, atq; inde latius spar-
 gere ac firmare, Imperatorum consilia, quate-
 nus ad ipsum aliquo modo pertinerent, pro ar-
 bitrio suo, atq; ad suam utilitatem moderari,
 honorem denique a tantis principibus, se atq;
 illis indignum, postulare. Eodem etiam pacto
 accipiendum esse videtur illud, quod de decem
 regibus, per cornua designatis, infra dicitur, eos
 potestatem regiam, quam tum temporis nondū
 X. 12, 13. accepissent, accepturos unā horā cum
 bestia: itemq; eos potentiam suam ac potesta-
 tem bestia tradituros. Id enim de imagine bestie
 accipiendum est. nisi fortè malis per bestiam i-
 bi Antichristum, ut quidem a plerisque fit, intel-
 ligere qui capite 13. per bestia secundā fuit ex-
 pressus, & qui, si corpus, sive ecclesiam ejus respi-
 cias, idem est cum corpore septicipitis bestie, cui
 weretrix insidet: si caput, hoc est ipsum Ponti-
 ficem, u, quatenus ecclesiasticum habet Imperi-
 um, bestia insidet, eamq; regit, ac vicissim ab ea
 gestatur ac fulcitur; quatenus politicum eccle-
 siastico junxit, ipse quoque bestie caput est:
 adeo, ut jure bestia nomen Antichristo possit cō-
 venire. Et hoc pacto facilius intelligi poterit,
 quomodo reges isti vires ac potestatem suam be-
 stia

sua tradiderint. Quod si tamen malis id de bestia ab Antichristo distincta explicare, intelligendum erit, eos reges, quorum non pauci dignitatem suam atque honorem regum, aliqua ratione ab Imperatoribus pendere voluerunt, potentiam viresque suas in ferenda, sustentanda, propugnandaque meretrice, cum iis aliquo modo conjunxisse, eosque strenue adjuvisse. Quae explicatio eodem ferè recidit, quo illa, quae per bestiam Antichristum, hoc est Pontificem cum sua ecclesia, intelligit.

Sed jam investigandum nobis est, quinam per decem istos Reges intelligantur. Videntur ergo designari reges, qui circa illud tempus, aut non ita longè post, quo Caesareatus in Germania fuit stabilitus, regum dignitatem acceperunt, sive Imperatorum, sive Pontificis, sive utriusque consensu. Et sanè ex historiis constat, Otthonis tertij tempore aliquot regna fuisse constituta. Is enim primo Polonorum Regi diadema imposuit; ejus tempore, aut non multò post, Bohemicum atque Ungaricum regnum, ut alia taceam, fuit erectum.

Quod verò ad denarium istorum Regum numerum attinet, non est necesse decem Reges præcise, ut loquuntur, seu definite accipere. Potest enim denario numero, multitudo seu pluralitas, indefinite intelligi, ut veri doctum

inter pontificios, tum inter Evangelicos censuerunt. neque id a sacrarum litterarum consuetudine abhorret. Franciscus Ribera in Zacharia caput 8. v. 23. ita scribit: Apprehendent decem viri oram Iehudæi, &c. decem viri, id est multi. Subjicit Ribera, Numero denario perfectio, ut ait Cyrillus, siue multitudo, solet significari in scriptura. exempla affert Gen. 21. v. 7. Pater vester mentitus est mihi, & mutavit mercedem meam decies. id est saepe. Levitici 26. v. 26. Coquent decem mulieres panem vestrum in clibano uno. decem id est multe. Joh. 9. v. 3. Jam decem vicibus pudore affecistis me, id est saepius, seu multis vicibus. David Pareus Theologus Heydelbergensis in hunc ipsum Apocalypsis locum de quo agimus, ita scribit: Col 915, & 916. Non puto denario numero præcisè hic inhærendum: cum fatente Bellarmino (libro 3. de Pontifice Romano, capite 8.) decem, centum, mille, & quivis numerus perfectus, indefinitè capi possit. Erunt igitur Reges aliquam multi, ex uno Imperio Romano antiquo exorti. ut in illo Gen. 31. v. 7. Decem vicibus mutavit mercedem meam. Et Num. 14. v. 22. Decem vicibus tentavit me hic populus: pro multis. De septem prioribus (NB.) idem dici non potest, quia

quia illos distinctè numeravit Angelus. Jam qui sint hi decem Reges, non potest esse obscurum. Sunt haud dubiè omnes illi, qui hætenus orbem Christianum ad nutum Pontificis Romani tenuerunt: & potest de his legi Augustinus Steuchus, Eugubinus Episcopus, de Donatione Constantini contra Vallam, *Sect. 94. 97. 103.* ubi contendit omnia regna Christiani orbis, Hispaniæ, Galliæ, Angliæ, Daniæ, Russiæ, Croatia, Dalmatiæ, Arragoniæ, Sardinia, Portugaliæ, Bohemiæ, Sveciæ, Norvegiæ, Ecclesiæ Romanæ subiecta esse & vectigalia. Hæc ille. Fuerunt autem satis multè reges a Pontificibus & Imperatoribus constituti, ut testantur Historici, eorumq; non paucè planè defecerunt.

Restat ut numeros, quorum in capite 13. fit mentio, evolvere conemur. Quod ergo ad numerum 42. mensum attinet, qui commemoratur versu 5. & suprà capite 11. v. 2. idem etiam in aliis visionibus, quamquam alia ratione exprimitur. Nam dicto capite 11. v. 9. exprimitur per dies tres ac dimidium: eodem capite v. 3. & capite 12. v. 6. per dies mille ducentos sexaginta. eodem capite 12. v. 14. per tempus tempora, & dimidium temporis. Hæc enim omnia idem tempus denotant. Nam si quadra-

ginta duos menses accipias, & cuilibet, secundum Ægyptiorum computationem, tribuas dies 30, emerget numerus dierum 1260. quem capite 11. versu 3, & capite 12. v. 6. expressum diximus. Si item sumas dies tres & dimidium, & eos pro annis accipias, ac cuilibet anno tribuas 12. menses, qui horis duodecim, in quas singuli dies apud Iudeos olim dividebantur, respondent, emergent denuo menses 42. Si denique sumas tempus, tempora, & dimidium tempus, tum, quemadmodum Danielis capite 7. v. 25. accidit, per tempus intelligendū est κατ' ἐξοχὴν annus, qui perfectum temporis circulum absolvit, per tempora verò duo anni, per dimidium temporis semestris, atque hæc omnia si in menses redegeris, iterum habebis numerum 42. hi rursus in dies redacti, conficiunt numerum 1260. Dies verò hi, ut in mystico sermone, pro annis accipiendi sunt, quemadmodum etiam fit apud Danielelem capite 12. v. 11, 12. Nam si quis loca omnia, in quibus Numeri istius fit mentio, in-





spexerit, ac diligenter
 Confer etiam Num., consideraverit, compe-
 14. v. 34 & Ezech. 4. riet tempus illud desi-
 v. 6. gnari, quo doctrina

Antichristi, extincta aut expulsa veritate, in visceribus Romani Imperij vigere debuit. quo tempore bestia hac, Romanum imperium designans,

gnans, veneno falsa doctrina imbuta, lethiferam potestatem a dracone acceptam, exercens, cum sanctis ac veram doctrinam proflentibus pugnavit, cœlestem de Deo doctrinam ac cœlorum incolas, hoc est, omnes salutarem doctrinam sectantes, ipsamq; ecclesiam cœlestis tabernaculi imaginem, blasphemare nen est verita. Videtur autem temporis hujus initium, ut alij quoq; censuerunt, capiendum a Concilio Nicæno, aut paullo post, intra annum Christi 360. & 370. tum enim non parum iuavescere Romani Pontificis auctoritas, & præter alia falsa dogmata & errores, idololatria in ecclesiam invehi, & per Romanum Imperium, totumq; orbem Christianum spargi, atque ij, qui rectius sentirent, vi opprimi ab Antichristi affectu ceperunt.

Quod attinet ad numerum bestie 666, qui etiam numerus nominis bestie dicitur, is potissimum designare videtur numerum annorum, quibus nomen bestie, hoc est majestas, auctoritas, potentia, debeat durare. De numero enim non mysticè aut allegoricè accepto, sed propriè sic dicto, Johannem loqui inde apparet, quòd dicat, numerum hunc esse numerum hominis, hoc est talem, quali homines utuntur, communem, inquam, seu usualet, non mysticum, propheticum vel allegoricum. qua ratione

infra capite 21. v. 17. dicitur mensura hominis, pro mensura quali homines utuntur. Nomen autem bestia, pro ipsius potestate, auctoritate, imperio rectissime sumi posse, illi fatebuntur, qui nomen, Hebraica consuetudine, pro maiestate, potentia atq. auctoritate, in sacris litteris saepe poni consideraverint.

Interim haud negamus, posse nomen bestia etiam pro appellatione quadam, ut multis placere videmus, sumi. Verbi gratia, pro voce , Romiith, sub qua potest subaudiri vel , id est, congregatio seu ecclesia, vel , id est, regnum; aut , in quorum nominum litteris, si ea pro notis numerorum, ut apud Hebraeos & Gracos, atque ex parte etiam apud Latinos, contingit, accipiantur, numerus 666. contineatur. Neque enim absurdum est, eadem verba, praesertim in Prophetis sermonibus, duplicem habere significationem. Sic supra vidimus capite 17. v. 9, 10, Angelum capita bestiae duplici modo explicare, partim de septem montibus, partim de septem regibus. Idem hoc loco factum esse nemo mirari debet, ubi spiritus sanctus magnam obscuritatem, & peculiare verborum involucrum, ad quod evolvendum singulari sapientia sit opus, profiteatur, ait enim in versu ultimo, postquam istius numeri nomini bestia fecisset mentionem:

hic

hic sapientia est. qui habet mentem computet numerum bestiae. ideo autem verissimile est, vocem nominis hoc loco non tantum potestatem, sed etiam nomen propriè dictum significare, quia dicitur, ne quis possit emere aut vendere, nisi is qui habuerit notam, aut nomen bestiae, aut numerum nominis ejus. neque enim satis commode intelligi posse videtur, quomodo homines ij, qui velint commercia exercere, habeant numerum nominis bestiae, si eum tantummodo pro numero annorum, quibus potestas illa bestia duratura sit, accipias, & non etiam pro appellatione aliqua, qua ij utantur, qui potestatem bestiae supra se agnoscant, & ei sese addictos esse profiteantur, quaeq; includat numerum annorum, per quos potentiam bestia sit habitura. Hoc enim pacto demum eleganter dici potest, aliquem habere numerum nominis bestiae. Et sanè videtur divinus spiritus, ut uterque sensus locum haberet, & simul tantò rectius res exprimeretur, reticuisse nomen temporis illius, quod hic subaudiendum est, & tantum generatim postea innuisse, numerum illum esse ejusmodi quo homines uti soleant, ne desperatione rei inveniendae lectores a labore inquirendi absterrentur. Occultavit autem ideo tantò magis ipsam temporis speciem, cujus numerum expressit, quia

numerus hic 666. cum imperfectus sit, nec in denario aliquo finiatur, præcisè est intelligendus. Non solet autem Deus faciliè in huiusmodi prophetiis, articulum aut spatium temporis ad eò præcisè, antequam res ipsa cum in apertum producat, revelare, sed potius aliquo modo in ambiguo relinquere. Est enim, ut Salomon ait, Prov. 25. v. 1. gloria Dei celare verbum, quòd nassium magis quam indecretis ipsis, in quibus universus sermo Propheticus revera occupatur, locum habet.

Id autem in primis etiam considerandum est, quidnam per bestià illà, de cuius numero & nomine hic agimus, intelligatur. Sermo igitur est, ut ex verborum contextu apparet, vel de secunda bestia, quæ Antichristum designat, vel de imagine prima bestie, quam ipsam quoque bestiàm appellari rectè posse, superius docuimus. Non multum autem interest, sive de hac, sive de illa Johannis verba accipias, cum, ut iidem supra docuimus, Antichristus cum hac imagine bestie ita sit conjunctus, ut eū ea idem cēseri possit.

Indicatur ergo a Johanne numerus annorum, quibus vel potestas illa magna Antichristi, quæ ex Ecclesiastica & civili mixta est, vel Casareatus in Germania durare debuerit, & quibus exactus is sit casurus, qui numerus in nomine,

mine, quo bestia appellatur, includitur. Initium
 verò istorum annorum ab Otthonibus ducen-
 dum esse, ex iis quæ de Casareatu in Germania
 ope Pontificis erecto, & Pontificum potentia si-
 mul stabilita, disputavimus, patere potest. sed
 a quonam istorum trium Otthonum omnino sit
 incipiendum, dictu non videtur facile, donec e-
 ventus tandem rem ipsam aperiatur. Etiam si
 enim Ortho tertius imaginem bestia, seu Impe-
 rium Romanum, in Germanica natione penitus
 fixerit, ac plene firmaverit; nihil tamen pro-
 hibet, quominus ab Otthone primo seriem hanc
 temporis ordiamur, utpote qui primus in hoc
 Imperatorum Germanorum, continua stabilitq;
 serie sibi succedetum, ordine, censendus est; quiq;
 ad Otthonem tertium nepotem suum, quem Im-
 perium in Germania stabilivisse diximus, per fi-
 lium Otthonem Casaream dignitatem transmi-
 sit. Siquidem Scriptores divini quandoque,
 non ab ipsis rebus prædictis, sed ab earum causis
 ac minimis principis, sua odiuntur ac metiun-
 tur tempora, quemadmodum in numero qua-
 dringentorum annorum servitutis populi Israëliti-
 ci in Ægypto, Abrahamo prædicta, contingit,
 de qua Genesis 15. capite, versu 13. cujus tempo-
 ris initium, ut norunt docti, ab ipso adhuc A-
 bramo incipit, atque adeo ut quidam volunt,
 ab ejus in Ægyptum profectio.

Istud cetiam hoc loco notandum est. Histo-

Gilbertus Genebrardus Theologus Parisiensis in sua Chronologia pag. 143. de illis temporibus in hæc verba scribit: Confusæ sunt admodum istorum temporum historiarum, ut vix duo scriptores conveniant, quoad annos & numerum Pontificum Romanorum. Nos sequimur Sigebertum, Platinam, & quosdam alios.

ricos, in assignando principio imperij Otthonis primi, admodum inter se discrepare, ita ut ex illis certum figere terminum non possus. Voluit nempe Deus (ut nos quidem arbitramur) rem hanc non omnino esse hominibus cognitam atq; perspectam, ideoq; primum in hujus rei prædictione tempus ipsum, cujus

numerum expressit, reticuit: deinde initium quoque hujus temporis obscuritate aliqua involvit ut ij, qui fini temporum istorum forent propiores & ex exentibus aliquomodo didicissent, quamnam temporis species hic sit subaudienda, tamen terminum ejus ultimum, exacte sumptum, certa atq; indubitata cognitione comprehendere non possent. Ea qua nunc geruntur bella, fortasse ad initium horum temporum investigandum non parum adferent adjumenti. Quamquam adhuc probabilis conjectura restat, de temporis hujus initio capiendo. Ex collatione eorum qua in hoc capite decimo tertio dicuntur,

cuntur, satis videtur apparere, bestiam illam secundam, quæ Antichristus est, & imaginem prioris bestie, seu Casareatum, non amplius duraturum, quam bestia septiceps (in qua due illæ bestie quodam modo continentur) potestatem suam est habitura. Tempus autem illud esse vidimus annorum mille ducentorum sexaginta, quod diximus videri ordiendum intra annum Christi 360, & 379. Ponatur nunc posterior numerus, nempe 370, in quo minor est erroris suspicio. Finis ergo illorum mille ducentorum sexaginta annorum, incidet in annum Christi millesimum sexcentesium trigesium. Jam si terminus seu finis annorum sexcentorum sexaginta sex, idem sit cum fine annorum mille ducentorum sexaginta, saltem ita ut ulterius non producat, detrahantur anni sexcenti sexaginta sex, ab istis mille sexcentis triginta, & emerget annus Christi noningentesimus sexagesimus quartus, qui in imperium primi Otthonis incidit, quem, anno Christi noningentesimo sexagesimo secundo, in Imperatorem Romanorum coronatum plerique scriptores volunt: quinetiam, si initium annorum mille ducentorum sexaginta biennio antè, quam posuimus, inchoare velis, in hunc ipsum annum, quo coronatus est Ottho, initium numeri 666. incidet.

det. Etiamſi autem finis annorum iſtorum ſi-
 ſtatur is, quem poſuimus: non tamen ſe-
 quetur, ita beſtias has tunc ſublaturum iri, ut nul-
 la prorsus earum remaneant reliquia. Magna-
 rum enim rerum ortus, ut ſunt quadam pri-
 mordia ac ſemina, ita poſt earum interitum re-
 manent rudera veſtigiaq³. Veràm hac ratio
 inveſtigandi initium annorum iſtorum ex eorū
 fine, propemodum videtur ſupervacanea. Si e-
 nim de fine aliquid conſtaret, de initio parum
 jam videretur laborandum: cum initium po-
 tiſſimum propter finem quæramus. Eventus,
 ut diximus, rem tandem aperiet. Felix quem
 ruina tantarum belluarum non opprimet, &
 qui finem tam infeliciū temporum ſecurus
 ſpectabit. Veni citò Domine

JESU. Etiam.

Amen.

Cum

Cum una atq; altera pagella post absolutum opusculum restaret, ne vacuæ manerent, operæpretium visum est, in gratiam Lectoris, addere ex Livio, quæ Decadis primæ lib. 2. ab ipso initio de Consulibus, eorumq; imperio, nec non majestate & auctoritate scripsit. Verba verò gravissimi istius Scriptoris ita habent:

Liberi jam hinc populi Romani res, pace belloq; gestas, annuos magistratus, imperiaq; legum potentiora quàm hominum, peragam. Quæ libertas ut lætior esset, proximi regis superbia fecerat. nam priores ita regnârunt, ut haud immeritò omnes deinceps conditores partium cæptæ Urbis, quas novas ipsi sedes ab se auctæ multitudini addiderunt, numerentur. Neque ambigitur, quin Brutus idem, qui tantum gloriæ Superbo exacto rege meruit, pessimo publico id factururus fuerit, si libertatis immaturæ cupidine priorum regum alicui regnum extorceret. Quid enim futurum fuit, si illa

la

la pastorum convenarumq; plebs
transfuga ex suis populis, sub tute-
la inviolati templi, aut libertatem,
aut certè impunitatem adepta, solu-
ta regio metu, agitari cæpta esset.
tribunitiis procellis? & in aliena ur-
be cum patribus ferere certamina,
priusquam pignora conjugum ac
liberorum, caritasq; ipsius soli, cui
longo tempore assuescitur, animos
eorum consociasset? dissipatæ res
nondum adultæ discordiâ forent:
quas fovit tranquilla moderatio
imperii, eoq; nutriendo perduxit,
ut bonam frugem libertatis matu-
ris jam viribus ferre possent. Liber-
tatis autem originem inde magis,
quia annum imperium consulare
factum est, quàm quòd diminutum
quicquam sit ex regia potestate,
numeres. Omnia jura, omnia insi-
gnia primi consules tenuère, id mo-
dò cautum est, ne si ambo fasces ha-
berent, duplicatus terror videretur.


Bru:


Brutus prior, concedente collega, fasces habuit: qui non acrior vindex libertatis fuerat, quàm deinde custos fuit. Omnium primùm avidum novæ libertatis populum, ne postmodum flecti precibus aut donis regiis posset, jurejurando adexit, neminem Romæ passuros regnare. Deinde quò plus virium in senatu frequentia etiam Ordinis faceret, cædibus regiis diminutum patrum numerum, primoribus equestribus gradus lectis, ad trecentorum summam explevit. traditumque infertur, ut in Senatum vocarentur, qui patres, qui que conscripti essent. conscriptos videlicet novum Senatum appellabant lectos. id mirum quantum profuit ad concordiam civitatis, jungendosque patribus plebis animos. Rerum deinde divinarum habita cura. Et quia quædam publica sacra per ipsos reges factitata erant, necubi regum desiderium esset, regem sa-


erificulum creant. Id sacerdoti-
um Pontifici subjecere, ne additus
nomini honos, aliquid libertati, cu-
jus tunc prima erat cura, officeret.
Ac nescio an, nimis undique eam,
minimis quoq; rebus muniendo,
modum exceßerint. consulis enim
alterius, cum nihil aliud offende-
rit, nomen in visum civita-
ti fuit. &c.


F I N I S.











Biblioteka Jagiellońska



stdr0018049

